

ՀԱՍՏԱՏՎԱԾ Է

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ

ԳԻՏՈՒԹՅՈՒՆՆԵՐԻ ԱԶԳԱՅԻՆ ԱԿԱԴԵՄԻԱՅԻ

Նախագահության N 12/1690

նոյեմբերի 2012թ. որոշմամբ
Հորատանի Հանրապետության
Գիտությունների Ազգային Ակադեմիայի
նախագահ, ակադեմիկոս
Ռ. Մարտիրոսյան

14.11.2012թ.

Կազմված է 12.11.2012թ.

Բաղկացած է 8 թերթից

Տպագրված է ընդամենը 5 օրինակ
Օրինակ 1

Գ Ր Ա Ն Ց Վ Ա Ծ Է

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԻՐԱՎԱԲԱՆԱԿԱՆ ԱՆՁԱՆՑ ՊԵՏԱԿԱՆ
ՌԵԳԻՍՏՐԻ Արարկիքի ՏԱՐԱԾՔԱՅԻՆ
ԲԱԺՆԻ ԿՈՂՄԻՑ 23.10.2003 թ.
գրանցման թիվ 264.210.06073
վկայական N ՕՅԱ058159
հարկ վճարողի հաշվառման համար
00008698

23.10.2003 թ. գրանցված կանոնադրության
թիվ 001.04 փոփոխությունը գրանցված է
իրավաբանական անձանց պետական ռեգիստրի
տարածքային բաժնի կողմից

“23” 11 2012թ.

Տ/Բ պետ



Կ Ա Ն Ո Ն Ա Դ Ր ՈՒ Թ Յ ՈՒ Ն

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳԻՏՈՒԹՅՈՒՆՆԵՐԻ ԱԶԳԱՅԻՆ ԱԿԱԴԵՄԻԱՅԻ
ԻՆՖՈՐՄԱՏԻԿԱՅԻ ԵՎ ԱՎՏՈՄԱՏԱՑՄԱՆ ՊՐՈԲԼԵՄՆԵՐԻ ԻՆՍՏԻՏՈՒՏ

ՊԵՏԱԿԱՆ ՈՉ ԱՌԵՎՏՐԱՅԻՆ ԿԱԶՄԱԿԵՐՊՈՒԹՅՈՒՆ

(Նոր խմբագրությամբ)

I. ԸՆԴՀԱՆՈՒՐ ԴՐՈՒՅԹՆԵՐ

1. Հայաստանի Հանրապետության գիտությունների ազգային ակադեմիայի ինֆորմատիկայի և ավտոմատացման պրոբլեմների ինստիտուտ պետական ոչ առևտրային կազմակերպությունը (այսուհետ՝ Ինստիտուտ) շահույթ ստանալու նպատակ չհետապնդող, իրավաբանական անձի կարգավիճակ ունեցող ոչ առևտրային կազմակերպություն է:

2. Ինստիտուտը իր գործունեության բնթացքում ղեկավարվում է Հայաստանի Հանրապետության քաղաքացիական օրենսգրքով, «Հայաստանի Հանրապետության գիտությունների ազգային ակադեմիայի մասին», «Պետական ոչ առևտրային կազմակերպությունների մասին» ու «Գիտական և գիտատեխնիկական գործունեության մասին» Հայաստանի Հանրապետության օրենքներով, այլ օրենքներով ու իրավական ակտերով, ինչպես նաև Հայաստանի Հանրապետության գիտությունների ազգային ակադեմիայի կանոնադրությամբ և՛ սույն կանոնադրությամբ:

3. Ինստիտուտի հիմնադիրն է Հայաստանի Հանրապետությունը՝ ի դեմս Հայաստանի Հանրապետության կառավարության (այսուհետ՝ հիմնադիր):

4. Ինստիտուտը պատասխանատու չէ իր հիմնադրի պարտավորությունների համար: Ինստիտուտի հիմնադիրը պատասխանատու չէ Ինստիտուտի պարտավորությունների համար:

5. Ինստիտուտը ստեղծված է համարվում նրա՝ օրենքով սահմանված կարգով պետական գրանցման պահից:

6. Ինստիտուտը, որպես սեփականություն, ունի առանձնացված գույք և իր պարտավորությունների համար պատասխանատու է այդ գույքով, իր անունից կնքում է պայմանագրեր, ձեռք բերում ու իրականացնում գույքային և անձնական ոչ գույքային իրավունքներ, կրում պարտականություններ, դատարանում հանդես գալիս որպես հայցվոր կամ պատասխանող:

7. Ինստիտուտը կարող է ունենալ ձևաթղթեր, խորհրդանիշ և այլ անհատականացման միջոցներ:

8. Ինստիտուտը ունի ինքնուրույն հաշվեկշիռ, կարող է բանկերում (այդ թվում՝ նաև օտարերկրյա) բացել հաշիվներ՝ ինչպես Հայաստանի Հանրապետության դրամով, այնպես էլ՝ արտարժույթով:

9. Ինստիտուտի անվանումն է՝

1) հայերեն լրիվ՝ Հայաստանի Հանրապետության գիտությունների ազգային ակադեմիայի Ինֆորմատիկայի և ավտոմատացման պրոբլեմների ինստիտուտ պետական ոչ առևտրային կազմակերպություն:

2) հայերեն կրճատ՝ ՀՀ ԳԱԱ ԻԱՊԻ ՊՈԱԿ

3) ռուսերեն լրիվ՝ Институт проблем информатики и автоматизации национальной академии наук Республики Армения государственная некоммерческая организация

4) ռուսերեն կրճատ՝ ИПИА НАН РА ГНКО

5) անգլերեն լրիվ՝ Institute for Infomatics and Automation Problems of the National Academy of Sciences of the Republic of Armenia state non-commercial organization

6) անգլերեն կրճատ՝ IAP NAS RA:

10. Ինստիտուտի գանվելու վայրն է՝

ՀՀ, Երևան, 0014, Պ. Սևակի 1:

II. ԻՆՍՏԻՏՈՒՏԻ ԳՈՐԾՈՒՆԵՈՒԹՅԱՆ ԱՌԱՐԿԱՆ ԵՎ ՆՊԱՏԱԿՆԵՐԸ

11. Ինստիտուտի գործունեության առարկան և նպատակներն են՝

1) ինֆորմատիկայի և ավտոմատացման հիմնարար և կիրառական պրոբլեմների բնագավառի համապատասխան գիտական և գիտատեխնիկական հետազոտությունների անցկացումը, այդ թվում հետևյալ ոլորտներում՝

-կոմպյուտերագիտության մաթեմատիկական խնդիրների ուսումնասիրում և լուծում, ալգորիթմների մշակում,

-տեսական արդյունքների հիման վրա ծրագրային գործիքային միջոցների ստեղծում,

-ցանցերի և բարձր արտադրողականության հաշվողական միջավայրերի մշակում և ներդրում:

2) մասնակցությունը պետական գիտատեխնիկական և գիտակրթական ծրագրերին և դրանց իրականացմանը,

3) մասնակցությունը հայկական և միջազգային մրցույթներին և համապատասխան ծրագրերի իրականացմանը,

4) գիտական կադրերի որակավորման բարձրացման գործընթացի կազմակերպումը:

12. Ինստիտուտը իր առջև դրված խնդիրները լուծելու համար Հայաստանի Հանրապետության օրենսդրությամբ սահմանված կարգով՝

1) որոշում է գիտական և գիտատեխնիկական գործունեության հիմնական ուղղություններն ու գիտահետազոտական ծրագրերը,

2) հայտարարում է մրցույթներ գիտական ստորաբաժանումների ղեկավարների և գիտական աշխատողների թափուր տեղերի համար,

3) պլանավորում և իրականացնում է գիտական կադրերի պատրաստումը, պարբերաբար (առնվազն յուրաքանչյուր հինգ տարին մեկ անգամ) անցկացնում է գիտական աշխատողների աստեսավորում,

4) հիմնադրի որոշմամբ կարող է հանդիսանալ այլ կազմակերպության հիմնադիր կամ մասնակից,

5) կազմում է Ինստիտուտի խմբագրական-հրատարակչական գործունեության պլանները, աջակցում և իրականացնում տպագրության համար երաշխավորված աշխատանքների հրատարակումը,

6) պայմանագրային հիմունքներով իրականացնում է գիտահետազոտական գործունեություն,

7) համագործակցում է բարձրագույն ուսումնական հաստատությունների հետ կադրերի պատրաստման և համատեղ գիտական ծրագրերի իրականացման գործում,

8) պարբերաբար կազմակերպում և անցկացնում է միջազգային գիտաժողովներ, աշխատանքային խորհրդակցություններ՝ ապահովելով դրանց նյութերի հրապարակումը,

9) հնարավորություն է ստեղծում միջազգային և տեղական գիտաժողովներին ինստիտուտի գիտական աշխատակիցների մասնակցության համար:

13. Ինստիտուտը կարող է մասնակցել հայրենական և միջազգային գիտական ընկերությունների ու միությունների գործունեությանը, հրավիրել միջազգային գիտաժողովներ, կազմակերպել սեմինարներ:

14. Ինստիտուտը կարող է իրականացնել ձեռնարկատիրական գործունեության հետևյալ տեսակները՝

1) գիտամեթոդական, գիտակրթական և գիտատեխնիկական խորհրդատվության մատուցում,

2) մտանագիտական վերապատրաստում և վերաորակավորում,

3) գիտատեխնիկական հետազոտությունների և մշակումների իրականացում,

4) տվյալների փոխանցման ցանցերի նախագծում, կառուցում և սպասարկում,

5) պետական առաջադրանքի կատարումից ազատ շարժական և անշարժ գույքի վարձակալության հանձնում,

6) սեփական գիտատեխնիկական մշակումների և տեխնոլոգիաների իրացում:

15. Ձեռնարկատիրական գործունեությունից ստացված շահույթն ուղղվում է Ինստիտուտի կանոնադրական խնդիրների իրականացմանը:

16. Ինստիտուտը կարող է լիցենզավորման ենթակա գործունեության տեսակներով զբաղվել միայն լիցենզիայի առկայության դեպքում:

III. ԻՆՍՏԻՏՈՒՏԻ ԿԱՌԱՎԱՐՈՒՄԸ

17. Ինստիտուտի կառավարումն իրականացնում են հիմնադիրը, լիազորված պետական մտրմինը՝ Հայաստանի Հանրապետության գիտությունների ազգային Ակադեմիան (այսուհետ՝ Ակադեմիա) և գործադիր մարմինը՝ Ինստիտուտի տնօրենը (այսուհետ՝ տնօրեն):

18. Հիմնադրի լիազորությունները սահմանվում են «Հայաստանի Հանրապետության գիտությունների ազգային ակադեմիայի մասին», «Պետական ոչ առևտրային կազմակերպությունների մասին» Հայաստանի Հանրապետության օրենքներով և այլ իրավական ակտերով:

19. Ակադեմիան՝

1) սույն կանոնադրությամբ սահմանված կարգով իրականացնում է կառավարման մարմինների ձևավորումը և լիազորությունների վաղաժամկետ դադարեցումը,

2) իրականացնում է Ինստիտուտի գործունեության վերահսկողությունը,

3) կասեցնում կամ ուժը կորցրած է ճանաչում տնօրենի՝ Հայաստանի Հանրապետության օրենսդրության պահանջներին հակասող հրամանները, հրահանգները, կարգադրությունները և ցուցումները,

4) լսում է Ինստիտուտի գործունեության մասին հաշվետվություններ, քննում է դրանց գործունեության վերստուգման արդյունքները,

5) իրականացնում է վերահսկողություն Ինստիտուտին ամրացված պետական սեփականության օգտագործման և պահպանության նկատմամբ,

6) իրականացնում է վերահսկողություն Ինստիտուտի սեփականության պահպանության նկատմամբ, համաձայնություն է տալիս նրա գույքի օտարման կամ վարձակալության հանձնման համար,

7) հաստատում է Ինստիտուտի տարեկան հաշվետվությունները և տարեկան հաշվեկշիռը,

8) ստեղծում է պետական կազմակերպության լուծարման հանձնաժողով և հաստատում լուծարման հաշվեկշիռը,

9) իրականացնում է հիմնադրի որոշումներով և սույն կանոնադրությամբ նախատեսված այլ գործառույթներ:

20. Ինստիտուտի ընթացիկ գործունեությունը ղեկավարում է Տնօրենը, որը պատասխանատու է Ինստիտուտի գործունեության համար:

21. Ինստիտուտի տնօրենի ընտրությունն իրականացվում է՝ համաձայն Ակադեմիայի կողմից հաստատված ինստիտուտի տնօրենի պաշտոնում ընտրության մրցույթի ընթացակարգի: Տնօրենի յուրաքանչյուր թեկնածու մրցույթի մասնակցության համար ներկայացնում է Ինստիտուտի զարգացման ծրագիր, իսկ ընտրվելուց հետո լիազոր մարմնի ղեկավարը մրցույթում հաղթողի հետ կնքում է պայմանագիր:

22. Ինստիտուտի տնօրենը կարող է վաղաժամկետ ազատվել պաշտոնից՝ օրենքով նախատեսված դեպքերում և կարգով:

23. Ինստիտուտի տնօրենը՝

1) առանց լիազորագրի հանդես է գալիս Ինստիտուտի անունից, ներկայացնում է նրա շահերն ու կնքում գործարքներ,

2) Հայաստանի Հանրապետության օրենսդրությամբ, հիմնադրի և Ակադեմիայի որոշումներով և սույն կանոնադրությամբ սահմանված կարգով տնօրինում է պետական ինստիտուտի գույքը, այդ թվում՝ ֆինանսական միջոցները,

3) տալիս է Ինստիտուտի անունից հանդես գալու լիազորագրեր, այդ թվում՝ վերալիազորման իրավունքով լիազորագրեր,

4) աշխատանքի է նշանակում և աշխատանքից ազատում Ինստիտուտի աշխատողներին, նրանց նկատմամբ կիրառում է խրախուսման միջոցներ և նշանակում կարգապահական տույժեր,

5) բանկերում բացում է հաշվարկային հաշիվներ,

6) կատարում է աշխատանքի բաշխում իր տեղակալների միջև,

7) սահմանում է Ինստիտուտի կառուցվածքը և կառուցվածքային ստորաբաժանումների իրավասությունները,

8) հաստատում է Ինստիտուտի հիմնարկների, մասնաճյուղերի և ներկայացուցչությունների կանոնադրությունները,

9) նշանակում է Ինստիտուտի հիմնարկների, ներկայացուցչությունների և մասնաճյուղերի ղեկավարներին, նրանց տալիս է համապատասխան լիազորագրեր,

10) օրենքով և սույն կանոնադրությամբ սահմանված իր լիազորությունների սահմաններում արձակում է հրամաններ, հրահանգներ, տալիս կատարման համար պարտադիր ցուցումներ և վերահսկում դրանց կատարումը,

11) իրականացնում է Հայաստանի Հանրապետության օրենսդրությանը չհակասող և Ինստիտուտի կառավարման այլ մարմիններին չվերապահված այլ լիազորություններ:

24. Ինստիտուտի գիտական խորհուրդը (այսուհետ՝ գիտական խորհուրդ)

Ինստիտուտի գիտական և գիտատեխնիկական գործունեությունը համակարգող մարմին է, որի կառուցվածքը և անդամների թիվը, տնօրենի առաջարկությամբ, հաստատում է Ակադեմիայի համապատասխան բաժանմունքի բյուրոն:

25. Տնօրենի ներկայացմամբ, ինչպես նաև գիտական անձնակազմի առաջադրմամբ, ինստիտուտի առաջատար գիտնականները գիտական խորհրդի կազմում ընտրվում են գիտական անձնակազմի ընդհանուր ժողովում (համաժողովում): Գիտական խորհրդի անդամներն ընտրվում են փակ զաղտնի

քվեարկությամբ՝ մասնակիցների ձայների պարզ մեծամասնությամբ: Ինստիտուտում չաշխատող ճանաչված մասնագետները գիտական խորհրդի անդամ են ընտրվում տնօրենի ներկայացմամբ՝ բաց քվեարկությամբ:

26. Ի պաշտոնե ն հրավիրված անդամների թիվը պետք է չգերազանցի գիտական խորհրդի անդամների թվի մեկ երրորդը:

27. Գիտական խորհրդի վերջնական կազմը հաստատում է Ակադեմիայի համապատասխան բաժանմունքի բյուրոն՝ տնօրենի ընտրության օրվանից 2 ամսվա ընթացքում:

28. Ինստիտուտի տնօրենն ի պաշտոնե գիտական խորհրդի նախագահն է:

29. Ինստիտուտի գիտական քարտուղարն ի պաշտոնե գիտական խորհրդի քարտուղարն է:

30. Ինստիտուտի գիտության գծով փոխտնօրենը և գիտական քարտուղարն ի պաշտոնե գիտական խորհրդի անդամներ են:

31. Գիտական խորհուրդն իրավասու է ընդունելու որոշումներ, եթե նիստին մասնակցում է նրա կազմի առնվազն երկու երրորդը: Գիտական խորհրդի որոշումն ընդունված է համարվում, եթե նրա օգտին քվեարկել է ներկաների կեսից ավելին: Որոշումն ընդունվում է բաց քվեարկությամբ, եթե գիտական խորհուրդը որոշում չի ընդունել փակ գաղտնի քվեարկություն անցկացնելու մասին:

32. Գիտական խորհուրդը՝

1) քննարկում և հաստատում է Ինստիտուտի գիտական հետազոտությունների հիմնական ուղղությունները, գիտահետազոտական աշխատանքների թեմատիկան ու ծրագրերը, գիտական կադրերի պատրաստման, միջազգային գիտական համագործակցության հարցերը,

2) համակարգում է գիտական թեմաներով կատարվող աշխատանքները,

3) քննարկում և հրատարակության է երաշխավորում Ինստիտուտի աշխատողների ու տվյալ մասնագիտությամբ այլ կազմակերպություններում աշխատող հեղինակների պլանային և արտապլանային մենագրությունները, ժողովածուները և այլն,

4) առնվազն տարեկան մեկ անգամ քննարկում և հաստատում է տնօրենի և գիտական ստորաբաժանումների ղեկավարների հաշվետվություններն ու առաջարկությունները Ինստիտուտի գիտական գործունեության վերաբերյալ,

5) քննարկում է գիտության զարգացման հրատապ հիմնահարցեր, լսում գիտական հաղորդումներ,

6) նշանակալի գիտական աշխատանքները, գյուտերն ու հայտնագործություններն առաջադրում է պարզևատրման, Ինստիտուտի գիտնականներին ներկայացնում է գիտական կոչումների շնորհման ու առաջադրում ընտրել Ակադեմիայի կազմում,

7) հաստատում է գիտական աշխատողների որակավորման արդյունքները:

33. Ինստիտուտի գիտահետազոտական ստորաբաժանումների ղեկավարներն ընտրվում են ինստիտուտի գիտական խորհրդի կողմից՝ հինգ տարի ժամկետով: Մամուլում և զանգվածային լրատվության այլ միջոցներով ընտրությունների պայմանների և ժամկետի մասին մեկ ամիս առաջ տրվում է հայտարարություն:

34. Ինստիտուտի գիտահետազոտական ստորաբաժանումների ղեկավարների թեկնածուների առաջադրման համար փաստաթղթերը ներկայացվում են Ինստիտուտի գիտական քարտուղարին: Գրանցվում են այն թեկնածուները, ովքեր գրավոր համաձայնություն են տալիս ընտրություններին մասնակցելու մասին:

35. Գիտահետազոտական համապատասխան ստորաբաժանման գիտական անձնակազմն իր ժողովում քննարկում է բոլոր գրանցված թեկնածությունները և փակ գաղտնի քվեարկությամբ, գիտական անձնակազմի անդամների առնվազն երկու երրորդի մասնակցությամբ, կարծիք է հայտնում յուրաքանչյուր թեկնածության վերաբերյալ: Քննարկման և քվեարկության արդյունքների մասին արձանագրությունը ներկայացվում է գիտական խորհուրդ:

36. Ինստիտուտի գիտահետազոտական ստորաբաժանման ղեկավարի պաշտոնում ընտրվելու մասին որոշումն ընդունվում է գիտական խորհրդի կողմից՝ փակ գաղտնի քվեարկությամբ, մասնակիցների ձայների պարզ մեծամասնությամբ:

37. Եթե քվեարկության 1-ին փուլում ընտրությունը չի կայանում, անցկացվում է քվեարկության 2-րդ փուլ: Եթե քվեարկության 2-րդ փուլի ընթացքում նույնպես ընտրությունը չի կայանում, ապա Ինստիտուտի տնօրենն ընդունում է որոշում գիտահետազոտական ստորաբաժանման ղեկավարի պաշտոնակատարի նշանակման (2 տարի ժամկետով) մասին, և անցկացվում է նոր ընտրություն:

38. Ակադեմիայի անդամներին գիտահետազոտական ստորաբաժանումների ղեկավարների պաշտոններում նշանակում է Ինստիտուտի տնօրենը՝ 5 տարի ժամկետով, առանց մրցույթի և ընտրությունների:

IV. ԻՆՍՏԻՏՈՒՏԻ ԳՈՒՅՔԸ ԵՎ ՖԻՆԱՆՍԱԿԱՆ ՄԻՋՈՑՆԵՐԸ

39. Ինստիտուտի սեփականությունը ձևավորվում է Ինստիտուտի հիմնադրման ժամանակ և հետագայում հիմնադրի կողմից սեփականության իրավունքով նրան հանձնվող, ինչպես նաև Ինստիտուտի գործունեության ընթացքում ձեռքբերված գույքից:

40. Ինստիտուտը իրավունք ունի օրենքին, հիմնադրի որոշումներին և (կամ) նույն կանոնադրությանը համապատասխան՝ իր հայեցողությամբ տիրապետելու, տնօրինելու և օգտագործելու սեփականության իրավունքով իրեն պատկանող գույքը:

41. Հիմնադիրը Ինստիտուտին սեփականության իրավունքով պատկանող գույքի նկատմամբ չունի իրավունքներ՝ բացառությամբ Ինստիտուտի լուծարումից հետո մնացած գույքի:

42. Ինստիտուտի սեփականության պահպանման հոգսը կրում է Ինստիտուտը:

43. Ինստիտուտի սեփականության վրա կարող է տարածվել բռնագանձում՝ միայն դատական կարգով:

44. Ինստիտուտի ֆինանսական հաշվետվությունների արժանահավատությունը ենթակա է վերստուգման (աուդիտի)՝ Ակադեմիայի կողմից ընտրված անկախ ստրախտորական կազմակերպության կողմից:

45. Ինստիտուտի ֆինանսական միջոցները ձևավորվում են՝

- 1) Հայաստանի Հանրապետության պետական բյուջեից,
- 2) Ինստիտուտի ձեռնարկատիրական գործունեությունից ստացված եկամուտներից,
- 3) հանրապետության և արտերկրի իրավաբանական և ֆիզիկական անձանց հետ պայմանագրային աշխատանքներից,
- 4) իրավաբանական և ֆիզիկական անձանց (այդ թվում՝ արտերկրի) նվիրատվություններից, դրամաշնորհներից, ինչպես նաև կտակներից,

- 5) Ինստիտուտի գույքից և գույքային իրավունքից ստացված եկամուտներից,
- 6) Հայաստանի Հանրապետության օրենսդրությանը չհակասող այլ միջոցներից:

V. ԻՆՍՏԻՏՈՒՏԻ ՎԵՐԱԿԱԶՄԱԿԵՐՊՈՒՄԸ ԵՎ ԼՈՒԾԱՐՈՒՄԸ

46. Ինստիտուտը կարող է վերակազմակերպվել կամ լուծարվել հիմնադրի որոշմամբ, Հայաստանի Հանրապետության քաղաքացիական օրենսգրքով սահմանված կարգով:

47. Ինստիտուտը կարող է վերակազմակերպվել 100 տոկոս պետական մասնակցությամբ ընկերության կամ հիմնադրամի, ինչպես նաև համայնքային ոչ առևտրային Ինստիտուտի:

48. Ինստիտուտը դատական կարգով կարող է վերակազմակերպվել կամ լուծարվել՝ միայն օրենքով սահմանված դեպքերում և կարգով:

49. Ինստիտուտի լուծարման դեպքում Ինստիտուտի պարտատերերի պահանջների բավարարումից հետո մնացած գույքն ուղղվում է Հայաստանի Հանրապետության պետական բյուջե: